

續

綸

扉

奏

草

憶在掖垣每諄諄以正疏體  
爲言嘗有疏云露重補續非  
侍傳之朝報原以入告  
君父浮憂則難竟故體尚簡沅  
晦則難解故體尚顯迂誕則

難行故體尚恢呌號非盛世  
之音媒褻豈對君之禮故體  
尚和平尚莊雅又云每箇題  
目一出輒趨走如驚或假托  
而言或依附而言或非其心  
之所欲迫于時尚而言或明

知事之不然借作陷穽而言  
又云

朝廷若惟同是求則臺省間但  
各置一員足矣其必令振鷺  
充廷鳴鳳共叶正欲參伍錯  
綜如八音五味之相調耳人

主且不求同而比肩事主之  
 人乃獨伐異此何理也云云  
 蓋以此繩人即以此自繩耳  
 筆六年孤行一意初非作意  
 忤時而自不能與時合一麾  
 而出八載于茲蒙

今上召還而首揆葉閣師亦已  
從輿望返綸扉矣此一時也  
言路視昔較易而政府視昔  
更難昔也

宸嚴雖無所譴責而時局則多  
所擠排一言不合異類斥之

矣今衆正連茹雪消現出無  
復有轉喉觸諱者故曰易也  
昔也官府雖睽隔而稟擬無  
傍撓今突創一

上傳之例夫果出

上意猶可言也倘出左右尚可

言乎即止出左右猶可言也  
倘出傍門別竇尚可言乎狐  
鼠憑城更有憑狐鼠者按之  
則匿迹甚詭持之則托名近  
正徐之則有煬竈假叢之禍  
急之則有決癭忌器之嫌故



曰難也當此時而救正者若  
而事且保全者若而人是豈  
第以口舌爭哉有默奪于䟽  
揭之外者矣及讀䟽揭草大  
要苦口而甘出之深心而淺  
出之其人所能言與所不

敢言又若不经意想而游戲  
出之口如其心筆如其口令  
讀者自不覺頤解而心折焉  
則當此時而能有所救正與  
保全又未始不在此疏揭內  
也彼水投石而規為瑱豈獨

聽言者過耶雖然蓋有本焉  
楊雄以艱深之詞文其淺陋  
之說中不足也蘇文忠筆端  
有口寧直才勝哉良由心事  
光霽如重門洞開忠義之氣  
自不能不橫溢毫端而初非

有意乎為文聊表而出之以  
為進言鵠猶曩日正疏體意  
也

楚黃門生梅之煥識

綸扉續草序

此余再入綸扉三年間所草  
疏揭也共二百餘通而乞歸  
者幾三之一司馬聊城張公  
語余讀公乞歸疏時政畢具  
故雖累上而不覺其複士太

夫亦多云然余殊愧之往余  
事

神祖八年獨身任事苦口逆耳  
之言無所不盡皆荷  
優容然常以不得親見

天顏為歎迨事

今上日於

朝講承

下濟之光事有不可輒與中貴

往復辯論皆達

天聽多有䟽揭之所不能盡者

余嘗懼其觸忤而

上曲賜採納常十之八九蓋余  
之受知遇于

累朝深矣其苦苦乞歸實以老  
病無能恐誤國事且與貪位  
固寵漏盡夜行者同譏非敢  
恣然于去就之際也病榻中



每憶往者告鄒南臯先生公  
講學必講孔孟余只講閻羅  
王南臯曰何謂也余曰不佞  
老矣填溝壑之日近苟有欺  
君誤國傷人害物招權納賄等  
事於閻羅殿前勘對不過者

皆不敢為南臯笑而首肯惟  
是叨濫多年積愆叢戾去國  
之後累被人言省躬引咎悔  
艾實深暇從篋中檢諸奏牘  
觀之嘆曰此皆閻羅殿前之  
卷案也罪狀具是何敢自匿

因梓之合于前草告諸幽明  
庶幾少逝于文過之愆且以  
見

神祖

今上之聖德焉

福唐葉向高書

續繪屏奏草目錄

卷一

恭候 萬安疏

中宮崩逝恭慰 聖懷疏

賀 登極疏

辭 召命疏

應 召趨朝疏

途次患病疏

辭貴州叙功疏

再辭叙功併陳遼事疏

到任疏

請發帑金揭

卷

救劉主事揭

辭延綏捷叙疏

擬票孫給事本揭

再辭延綏捷叙疏

請貴州兵餉揭

三辭延綏捷叙疏

救周給事揭

給假滿 陵頭

擬票孫給事論閣臣吏部本摺

回奏吏部署印官揭

請戚繼光蔭諡疏

論經撫事情疏

留同官揭

給假揭

三卷

國奏梅世功等承蔭揭

再留同官揭

爲秦良玉請誥命用寶塢

告病併陳時事疏

論經撫事情疏

辭 陵工加恩疏

再辭 陵工加恩疏

請發帑揭

乞休第一疏

拍俸疏

三辭 陵工加恩疏

引罪疏

兩請同官辭本揭

乞休第二疏

內言  
示  
擬  
外  
備

乞休第三疏

入直揭

卷四

教候給事揭

乞休第四疏

內收  
候  
給  
事

乞休第五疏

入直疏

條陳要務疏



敕何御史揭

乞休第六疏

內中教言官

乞休第七疏

恭陳謝悃疏

敕章給事揭

張拱宸免枷揭

卷五

乞休第八疏

內中教言御史

乞休第九疏

內中教言御史

恭陳謝悃疏

請內帑揭

擬發內帑揭

擬票馬御史叅兵部張尚書各官疏揭

回奏毛文龍賜劍揭

爲雲南請帑金揭

給假揭

謝賜食品疏

乞休第十疏

謝 宣諭疏

救刑部王尚書疏

請發撫虜銀幣揭

辭捧冊揭

卷六

乞休第十一疏

再辭捧冊揭

乞休第十二疏

謝 宣諭疏

乞休第十三疏

又謝 宣諭疏

請帑金揭

爲雲南再請帑金揭

爲戶部請帑金揭

請停刑揭

再請停刑揭

回奏停刑揭

留鄒都御史疏

乞休第十四疏

卷七

乞休第十五疏

乞休第十六疏

謝 宣諭疏

乞休第十七疏

救文修撰鄭庶常疏

辨徐御史裁總督疏

再辨徐御史疏

救御史蔣允儀揭

回奏起用言官揭

爲川貴雲南請帑金揭

請添閣臣揭

救夏御史揭

請添點閣臣揭

再請添點閣臣揭

自陳不職疏

辭 玉牒加恩疏

爲陳吳二翰林請加官揭

卷八

回奏免進貢物揭

再辭 玉牒加恩疏

乞休第十八疏

乞休第十九疏

乞休第二十疏

謝 宣諭疏

乞休第二十一疏

謝 宣諭疏

乞休第二十二疏

乞休第二十三疏

乞休第二十四疏

謝 宣諭疏

爲貴州請帑疏

爲貴州請帑揭

條陳時務疏

卷九

聞言乞罷疏

擬票吏部救司官本揭

又擬票吏部救司官本揭

回奏劉御史論內操揭

請釋王德等立枷揭

請議處兵餉揭

辭實錄加恩疏

再辭實錄加恩疏



續奏草

六 目錄

七

三辭 實錄加恩疏

請發帑揭

請發帑金撫虜揭

四辭 實錄加恩疏

給假揭

乞休第二十五疏

乞休第二十六疏

謝 賜食品疏

乞休第二十七疏

謝宣諭併乞休第二十八疏

陽救陳給事

卷十

謝 宣諭併乞休第二十九疏

乞休第三十疏

乞休第三十一疏

謝 宣諭疏

乞休第三十二疏

乞休第三十三疏

辭東省捷叙加恩疏

再辭東省捷叙加恩疏

郊祀請停刑揭

再請 郊祀停刑揭

入直揭

回奏頒賞 聖諭揭

皇子生請 恩詔揭

進擬 詔書揭

請 發內帑給毛總兵揭

救黎郎中揭

卷十一

郊祀禮成揭

辭 皇子生加恩疏

再辭 皇子加恩疏

聖節午門行禮揭

請 允考選揭

再請 允考選揭

乞 允劉王二巡撫卹典揭

辭延鎮捷叙 加恩疏

救許給事揭

辭考滿 加恩疏

再辭考滿 加恩疏

請 允添註併陳愚衷以平政體疏

三辭考滿 加恩疏

請 召還降謫各官揭

請用鄒都御史揭

卷十二

乞休第三十四疏

乞休第三十五疏

乞休第三十六疏

乞休第三十七疏

乞休第三十八疏

謝 宣諭併乞休第三十九疏

敕周給事中揭同官韓肇

謝 宣諭併乞休第四十疏

敕劉御史揭同官韓肇

乞休第四十一疏爲劉御史論座師事

蒙 召問安揭

謝 宣諭併乞休第四十二疏

乞休第四十三疏

謝 宣諭併乞休第四十四疏

乞休第四十五疏

請 裁定祀方澤揭韓肇

卷十三

乞休第四十六疏

乞休第四十七疏

乞休第四十八疏

乞休第四十九疏

乞休第五十疏

乞休第五十一疏

附汪文言事

乞休第五十二疏

乞休第五十三疏

同奏 聖諭遼情揭

華筆

乞休第五十四疏

附錢尚書

乞休第五十五疏

乞休第五十六疏

乞休第五十七疏

乞休第五十八疏

回奏魏太監本揭

韓筆

乞休第五十九疏

回奏擬魏給事本揭

韓筆

卷十四

謝宣諭併乞休第六十疏



謝 宣諭併乞休第六十二疏

論魏忠賢事情疏

論魏忠賢事情揭

乞休第六十二疏

乞休第六十三疏

恭慰 聖懷揭

救萬邸中揭

乞休第六十四疏

附廷杖事

救萬邸中揭

韓筆

救林御史揭

韓筆

乞休第六十五疏

乞休第六十六疏

乞休第六十七疏

得請奏謝併辭 加恩疏

辭朝揭

再辭 加官廕子疏

辭朝奏陳要務疏

到家謝 恩疏

辭 慶陵加恩疏

謝 予妻祭葬疏

續繪扉奏草目錄終

續綸扉奏草卷之一

特進光祿大夫程國以師兼太子太師吏部尚書中樞殿大學士奉直學士

恭候 萬安疏

奏爲恭候

萬安事臣家居海上去京師遼遠杜門伏枕無所  
見聞頃有人言

聖躬違和未審虛實在臣愚心不勝榮念竊計我  
皇上無疆惟休

久道成化

天地

祖宗之所眷佑九州四海之瞻依小有不寧旋當  
勿藥惟是飲食起居百凡加慎

順喜怒哀樂之節以養天和則營衛充而風邪自  
退通上下內外之情以調衆志則煩囂息而  
氣體自平于萬斯年

永綏福祉此實臣惓惓之私不容自己者也臣前  
者又聞奴酋背叛遼左傷殘

九重宵旰薄海驛騷臣受

國厚恩情同休戚豈能晏然不介于懷顧自念  
問廢之人萬里上書易生猜忖况中外在事

諸臣忠言嘉謀業已畢吐臣雖憂國有心而  
効忠無計又自徂歲以來得一奇病不能寢  
食餘息奄奄精神昏憤耿耿一念竟無由自  
達于

君父之前臣之罪也今遼事不知何如要以  
宗社之福

聖上之威靈大小羣工之僇力必不使其爲封豕  
長蛇肆毒無已但願

皇上念封疆之危急禦侮必先于用人  
軫民力之艱難懷外尤本于安內

捐無用之積以供軍儲母使閭閻嗷嗷有摧肌椎  
髓之苦

收久棄之才以熙庶績務令嚴廊濟濟多定傾軋  
亂之人則元氣既充

國威自振民心既得邦本不搖么麼逆酋竿橈  
街而膏齋斧當在不日矣臣敢因問

安而附陳其愚亦區區愛

君之一念也統望

聖慈俯垂

鑒採臣不勝冒昧悚息之至奉

事... 逆寇... 危... 日夕焦勞以致  
積疾逾甚... 今服藥靜攝調理未愈覽卿問安  
具見憂國愛君忠誠至意所奏朕知道了該部  
知道

萬曆四十八年七月十二日



中宮崩逝恭慰 聖懷疏

奏爲恭慰

聖懷事 臣違離

闕廷于今七載伏枕窮山不聞世事猷畝之情雖  
深江湖之跡已遠惟有日夜願

天願

皇上于萬斯年臣得憑藉

恩私苟延殘喘于林壑而已頃聞

中宮皇后崩逝薄海臣民無不驚悼况臣受

恩深重哀感之衷萬倍恒情惟是

皇后徽柔懿恭之德遠邁乎前聞表儀贊相之功  
風乎千

宸念彤管流芳萬世無極

皇上固不必過爲傷感致累

起居此尤臣與薄海臣民所共爲願望者伏望

聖慈曲垂

鑒納臣不勝懇切祈禱之至奉

聖旨覽卿奏慰具見忠愛至意朕知道了該部知

奏

十二月十二日

賀 谷極疏

奏爲恭

賀事伏以

膺景命而受圖

五位麗飛龍之象

配先猷以建極

一人席貽燕之休運正際乎重熙

光更垂于繼照凡茲黎庶莫不騰歡况在微臣能

無稱慶竊惟天佑下民乃作元后國有玉器

是在

長君於鑠我

朝卓越前代自

二祖八宗之繼起直三皇五帝之並隆

皇祖四十八年化成久道下方萬億兆姓躬值太

平爰及

先帝之紹基益見人心之望治雖

施仁行政後先有久暫之殊而

造化存神運道共尊親之戴家偶逢乎多難不替

聖帝陛下

德養蒙泉

躬符震索

繼述自其能事仁孝本之少成

重潤重暉陋鍾祥于甲觀

克明克類膺新命于周邦允惟

社稷有靈遂使臣民得主山川嶽瀆協慶

有道之曾孫訟獄謳歌共歸

少年之天子顧猶

基命宥密無夙夜以不皇抑且勵志幾康稟永期

之是懼蓋

大孝之後難爲

大孝心獨苦于代終而

聖人方出再見

聖人化愈隆于更始臣草茅末品林壑餘生早侍

青宮

先皇無資其羽翼晚陪黃閣

神祖謨寄以腹心緬懷千載之遭逢深負

兩朝之恩遇攀髯欲上驚

龍馭之不留附翼無能喜

鴻恩之有托桑麻十畝長沾雨露十南天葵藿寸  
衷快覩風雲干

止極伏願

戒切忌荒

心存臨保

日就月將以興學母間暴寒

風興夜寐以懷人長如陟降有典有則率

祖攸行無黨無偏維

皇建極則

子述

父父述祖聖之相授其道同如禹紹舜舜紹堯世  
之相傳其揆一矣

天啓元年三月廿一日



辭 召命疏

奏爲驚聞

召命披瀝悃誠懇乞

天恩俯容辭免事該行人司行人呂奇策恭捧

先帝聖諭舊輔葉向高匡時偉器經濟宏才今國家多事之秋正賴元臣協贊新陞南京禮部尚書朱國祚講幄舊臣着改禮部尚書兼東閣大學士與向高一併差官召來同從哲夾輔協參佐理故諭欽此

臣恭設香案力疾望

闕叩頭謝

恩外竊念臣海上豎儒備員詞苑遭逢

神宗皇帝擢置綸扉俾忝密務浮沈八載罔效分毫謝政歸來省躬引咎自放于丘澤之間與田夫野老頌述

神皇之恩遇以明其報稱之無能而已不謂先帝御極眷念舊臣特行召用至加以匡時經濟之褒

赫赫明綸重于革衮而

皇上又特遣行人肅將

明命

三朝寵眷萃于一時非但近世希有之殊恩抑亦  
前代所曠見也臣卽捐糜殘軀何足爲報惟  
是臣稟賦孱弱病患夙嬰往居政地偶值艱  
難孑然一身焦勞獨甚因而怔忡佗僚寢食  
失常向非

神皇念臣恤臣予以生路幾無首丘之望林居數  
年稍稍收召魂魄視息苟延而前冬一疾又  
幾不起徂秋

龍馭繼升普天哀悼臣以感

恩戀

王之私不勝攀髯抱弓之痛前病益增精神昏愒  
終宵展轉不得安眠一日之中眩暈數次疋  
羸瘦削皮骨僅存此行人臣所親見者夫乘  
泰交之時事

堯舜之主勉立功名以償前負此世之所望臣亦  
臣之深願也年衰身病驅策不前上負

聖恩下違物望此天之所限臣非臣之得已也今  
碩彥盈朝庶職畢舉而臣得以老病餘生安  
卧田里豈非

聖世一盛事哉伏望

聖明鑒上病苦真情委非假托與循例套辭者不

同

聖沛俞音收回

成命

臣卽旦暮填溝壑有餘幸矣臣不勝懇切願

祈之至爲此具奏謹遣義男葉舉賁

奏以

聞奉

聖旨卿碩德宏猷元輔

皇祖茂著忠勛

皇考簡注召還朕日望卿來佐理新政已歷三時

尚未就程着差去行人敦趣卿宜遵

旨速發付朕眷倚延竚至意慎勿再辭吏部知道

天啓元年 月 日

應 召趨朝疏

奏爲聞

召趨

朝敬陳愚悃事

臣自被

命後已以病苦真情懇切控辭未蒙

矜允隨復具疏申請忽聞遼陽陷沒中外倉皇遂  
不敢發今於五月二十九日該禮部差官貢  
捧

聖諭催

臣入朝

臣

方僵卧山中扶曳匍匐望

闕叩謝隨於六月初九日力疾就道念

臣一介

書生素無才具往事

皇祖時際太平得以雍容奉職然其碌碌無能狼  
狽不堪固已昭然共曉于天下矣况當此艱  
難危困之日加以疾病垂死之軀豈有分毫  
足濟緩急惟是臣子情義不能忠然俟至受  
事之後

皇上親見其庸駑困憊之狀必悔于召臣而諸臣  
望臣之至者亦將自咎其失言矣臣聞定傾  
戡亂全在人才今羣賢濟濟畢集輦下諸所  
爲保全封疆剪滅逆酋之計固已犁然畢具



而撫臣王化貞條議鑿鑿神開氣定足當廟  
外之寄是在廟堂之上專其委任而重其事  
權有請必應有應必速遼事或可辦也至于  
兵餉缺乏

皇上慨發帑金而戒其冒破

神謨淵畫切中窾會

臣嘗見

皇祖開鑛權稅銖積寸累受盡煩言竊疑

聰明神聖之主富有四海何苦爲此由今觀之猶  
若逆知天下之有變而豫爲

聖子

神孫計者往有言五行之類金爲兵屬今

大內金氣太盛恐將召兵

臣深以爲然時舉以

告

皇祖然則

皇上之德意或亦弭兵之一道也從來天下之財  
未有積而不散者而散之不善者常多若保  
封疆安社稷省徵求之苦結萬姓之歡消內  
釁而固本根其爲吉祥善事孰有過于此者  
此臣之所深爲

皇上喜也倘

內帑不足則如前

詔書所列

上供物料量行折價俟事平復故似愈于別項之搜括耳惟是目前所急尤在將才唐之亂平于李郭宋之難禦以韓岳皆武流也今天下之大豈可謂盡無若人誠宜精其選而重其任假以便宜優其爵賞使之有翹然自喜于功名之心而作其委靡退縮之氣似亦拘攣之所當破者若綸扉政本安危所關今雖簡用多賢而以臣爲之首狐裘羔袖深恐非宜謂

宜

俯從言官之請亟行推擇不拘內外衙門但有風望足以鎮物宏猷足以濟變者卽行擢用與見在諸臣協心併力謀斷相資其勝于老病之庸臣不萬倍乎臣愚昧之人素無籌策萬里遙度自知無當然耿耿一念不能自己又身病途遙未能旦夕遽到

闕下恐一旦顛沛道路卒填溝壑長負

恩私故敢因恭報起程而附陳其愚衷如此以備上明采擇至於愛惜忠賢破除恩怨母使梧鳳左

棲復潔身而去國白駒將繫更裹足于畏途  
此則在廷諸臣當有同心而無待臣愚之饒  
舌矣臣不勝竦息惶懼之至爲此謹具本願  
差義男葉舉賞

奏以

聞奉

聖旨覽奏知卿就道日期具見憂國急公大義朕  
心加悅奏內各款有禪新政待卿至面議舉行  
該部知道

天啓元年 月 日

迭次患病疏

奏爲趨

朝患病冒懇

天恩事

臣奉

欽召勅諭僅十日卽扶病就道已具疏上

聞矣不意今歲南方酷暑異常炎威如火

臣以久

病殘軀觸熱驅馳遂至委頓行至江西廣信

地方愈加困劇頭目昏迷咽喉腫痛又風患

瘍疾因勞復發僵卧輿中呻吟困苦奄奄餘

息卽弔勉匍匐未必能至都門卽至都門亦

未必能奉職孤負

聖恩慙懼交併途次又接邸報見

皇上以都御史臣德完之言復遣官催

臣德完與

臣同年而先後出處杳不相及故下知臣之

無能誤聽人言輕發此論

臣

聞望之愆重則

副之愈難今日何等時勢而以安危重任責

于至庸極劣之人他日不效

臣

何辭以謝德

完而德完何辭以謝

皇上此

臣

之所爲聞

命震驚撫躬增愧逡巡却步而愈不敢前也方

臣

行時尚未知同官諸臣之刊否今臣國祚臣  
宗彥業已受事臣灌臣繼偕亦相繼且至其  
與臣一燿臣曠或功高翼戴握成算于前籌  
或志切安懷殫新猷于初試即使臣參預其  
間亦斷不能有分毫補益況于碩彥畢集昌  
言盈庭

皇上以聖明總攬于上屈羣策而定

廟謨區區小醜豈能遽爲大患而亦安所用臣爲

哉臣極知

國家有事臣子義在急公生死不避然苟不量



才度德冒昧輕進以傷

君父知人之明而僨天下事則其罪又更大矣卽  
頃者二三大僚老病不任者皆得蒙

恩賜歸而人猶惜其歸之晚如臣庸劣衰老患病  
困苦猶爲獨甚所以不得不哀鳴陳乞以免  
他日後悔伏望

聖慈察臣言非假飾俯垂鑒允仍乞盡褫臣官以  
謝天下臣斷不敢引得請諸臣之例以自寬  
也臣發疏後亦力疾前進沿途候

旨候

聖恩允放南歸以少盡臣子敬共之義臣不勝干  
冒悚息之至爲此謹差義男葉通賞

奏以

聞奉

聖旨卿輔弼元臣中外倚賴前奏聞命就程日望  
卿來佐理何乃復有此請便着差去行人敦趣  
前來以副朕佇望至意吏部知道

天啓元年

月

日

辭貴州叙功疏

奏爲

恩命萬分意外懇

容辭免併陳病苦真情仰干

天聽事

臣

行至江西地方因患病疏辭然猶力疾

前行至杭州接邸報見

皇上以苗功叙賚加恩新舊閣臣進

臣

中極殿大

學士廕一子中書舍人賞銀五十兩彩段四

表裏

臣

不勝驚駭不知其所從來自念歸田

日久其於苗事風馬牛不相及也何以有此

典哉臣在綸扉八載惟兩次考滿循例陞磨此外並未敢分毫妄徼非分卽屢次捷功累蒙

皇祖寵命臣皆力辭以臣在朝之日如此况此分

毫不相干涉之事夢寐意想不到之恩少有

人心豈宜冒承正欲具疏控辭而言官之愛

臣者又恐其冒冒之賞且受遼之罰夫遼之

當罰臣久矣當臣輔政奴酋逆節已著而臣

不能鋤兇遏暴馴至今日臣之罪也夫復何

辭夫以臣之庸愚不能制奴酋未叛之先而

望其運籌決勝誅奴酋于徇征之後此亦天下必無之理也臣平生素苦不寐之病每當晨起則終夜無眠往事

皇祖值朝講久輟故得雍容奉職林居數載早眠晏起幸保殘生不意前歲之冬此病大作日夜不能合眼者且三月餘憔悴消削無復人形家人皆驚惶以爲必死其後不自意稍稍安卧餘息復延然猶時作時止竟成痼疾日者屢勉就道時值安痊而今又大發沿途尋醫問藥終莫能療度至長安其不能屢勉供

職萬萬無疑矣臣所患苦甚多不能悉陳而此病尤人所共知非敢飾辭若有一字之欺九廟神靈必誅臣極臣臣卽旦暮填溝壑亦何面目以見

皇祖與

皇考乎臣前疏未奉

旨不當再瀆以控辭

加恩而併及之伏望

聖慈卽將

成命收回毋滋濫賞之失併從前

恩命盡行褫奪仍

放臣南歸臣卽不敢望方從哲吳道南孫如游但

得以編氓終老林下死不朽矣臣不勝懇切  
額祈之至爲此謹具本專差義男葉舉賁

奏以

聞奉

聖旨黔捷加恩朕眷

念元臣祇循彝典宜遵成命領受前已知卿就道  
日切延佇何乃復以病陳仍着差去行人敦趣  
速來所辭不允該部知道

天啓元年 月 日



臣辭叙功併陳遼事疏

奏爲

召命當趨

加恩難受切懇

聖慈卽容辭免併述見聞以資

廟算事該臣以途次患病併黔捷蒙

恩兩疏控辭再奉

溫綸促臣速行

諭臣領受臣衰朽殘生仰戴

高厚感激之私何可云喻自臣發疏後復苦瘧疾

幾至狼狽亦力疾前行今已渡河而北漸近  
關廷餘息尚存自當匍匐扶携一望

天顏祇謁

二陵少舒哀慕然後躬陳危困之下衷仰祈  
天恩之允放庶干

君臣之義可以兩全而不負臣之此行矣  
惟是

加恩隆典萬難祇承竊窺

聖意豈以

兩聖登極曠蕩之恩及于普天而欲假此以施及

于臣乎不知臣山居日久于

皇考

皇上實未嘗有尺寸之勞況于黔事更無干涉無功之賞古人所耻韓昭侯不肯以敝袴與人臣何人斯敢濫重賞頃兵部差官賁來金幣臣亦斷不敢受卽令賁回伏望

皇上亟收成命使臣得安心趨

朝不必再疏以瀆

宸聰其蒙

恩乃更大矣臣

又從邸報見毛文龍收復鎮江人

情踴躍而或者慮其寡弱難支輕舉取敗此亦老成之長慮但用兵之道貴在出奇班超以三十六人而定西域耿恭以百人而守疏勒皆奇功也遼事之失似亦在知正而不知奇故糜爛決裂一至于此臣所過地方見其士民談募兵之苦疾首痛心而所募之兵又多逃亡替換羸弱不堪徒費金錢無益于用沿途騷擾更不可言乃目前事勢又不得不募海內民力已竭而驕兵悍卒乘此瑕釁狎于去紀陵犯喧囂三尺不得問奸民聞風相

率繼起似皆視遼陽之成敗以爲順逆今  
有毛文龍此舉稍得兵家用奇用寡之法  
雖不知其能成功與否然爲今日計惟當廣  
爲救援之策以固人心而母過爲危懼之談  
以張虜勢即使鎮江難守亦不必忘其失策  
使將來無復敢出一奇以破賊也若樞府經  
畧督撫諸臣皆極一時之選必能同心協力  
母忌成母旁掣共滅奴酋雪此大耻消中外  
之隱憂此實普天臣民所共想望凡臣一路  
逢士大夫其言無不如此臣本書生不諳軍

旅又身未受事不宜多言但杞憂心切而途中所見情形與所聞議論欲亟聞于君父故敢忘其煩聒之罪而直述之以備聖明採擇亦不敢自謂其有當耳臣不勝悚息冒昧之至

天啓元年 月 日

到任疏

奏爲老病庸

臣不堪重任恭謝

天恩兼陳愚悃事

臣

以多病殘軀跼伏丘園永絕

世念不意疆事劬勩

聖恩隆重扶曳出山千愁萬困已於二十三日

朝二十四日

廷謝復蒙

聖慈諭令供職後補

面恩

臣

卽欽遵於二十五日到任辦事念

臣往在

綸扉正當

官府睽隔之日呼天泣血眼淚爲枯今者再  
值東西告變薄海繹騷當大壞極弊之後  
難尤倍于往時臣以庸愚之資狼狽之病安  
能有尺寸展布以答

恩私惟望同官諸臣各竭智謀共期匡濟毋拘  
日首次之套使臣剛愎自專不聽人言則  
在臣若彼此觀望有懷不竭至于債事則  
亦不敢獨任其責其各衙門大小臣工亦宜  
合併精神一心徇國將從前閑言碎語盡  
捐除毋復相構相訐上疑



聖心下成黨禍如漢唐宋之季天下事庶猶可爲  
乎至于大本大原尤望

皇上清心寡欲虛懷納諫毋以讜言而輕動  
天威毋以先入而釀成偏聽常使

聖衷穆然無有好惡喜怒端倪可窺以爲投閒抵  
隙之地則

聰明睿知真與堯舜同符而其他安懷大計可次  
第舉矣臣事

皇祖八年以臣之愚

皇祖之神聖然每有本章必發閣擬印意所欲行

亦令中官傳諭事有不可臣未嘗不力爭至  
再至三

皇祖未嘗不曲意聽臣不欲從中降一  
旨也以故

高拱穆清威福不移而臣亦得效其區區犬馬之  
力今

皇上虛懷恭已信任輔臣固無不發擬之本章然  
間有

傳宣稍滋疑議播之中外彌添揣摩更望

皇上加意政幾慎重綸綍百凡事務容臣等擬

上請

聖裁或有愚見未合

聖心亦乞俯垂採納其於光

聖德而贊

聖治未必無小補矣

臣

前者屢疏控陳病苦下情

字字皆真加之不寐之病近益增劇形神焦悴恐亦不能久事

皇上惟是萬里遠來毫無他覲所有耿耿愚衷不能盡述而略陳其大概如此其目前至危至急之事勢須拯救者容

臣

與同官另行陳請

統望

聖慈曲垂鑒炤臣無任感激屏營之至奉

聖旨覽奏知卿到任辦事朕心嘉悅奏內關朕躬  
的知道了倡率廷臣協心匡濟屏絕繁囂尤見  
老成謀國忠盡至意該部知道

天啓元年十月二十七日

請發帑金揭

臣等竊惟自遼左發難徵兵轉餉無一處不受其害人情動搖已極其驕卒奸民包藏禍心欲乘間狂逞者在所皆是地方官力不能制含容隱忍幸旦夕無事今四川土兵作亂若不及早撲滅竊恐此輩聞風相率繼起更難收拾而中外財力竭盡無餘各部束手無措萬不得已懇祈

皇上再發帑金多則三四百萬少亦二百萬以濟

危急臣等極知

內帑請發已多所餘無幾且前此所發率多冒  
破未得實用深爲可惜但今事勢危急舍此  
無策昨工部及貴州巡撫四川各鄉官皆有  
疏請而戶部等衙門亦將繼請零星答應更  
爲不便不如一起多發着令通融酌用仍一  
一明白奏聞不得仍前糜費以後亦不許頻  
煩瀆擾殊爲省事

臣等謹擬

聖諭一道恭請

聖裁又湖廣兵萬人已至通州旬餘日須作速打  
發出關聞其意小望犒賞當此隆冬嚴寒之

時操戈執銳于邊鄙情實可憐其他處調募  
各兵亦陸續將到伏望

皇上另發五六萬金差官犒賞使此輩知恩出

朝廷鼓其勇敢之心而消其桀驁之氣是亦不容  
已之急務也臣等再擬

聖諭一道併請

聖裁事屬煩瑣臣等甚懷惶恐但禍變如此不容  
坐視故不辭冒昧之罪仰干

天聽統望

聖慈鑒炤施行

機

諭戶兵工三部頃因逆酋構禍四川土兵爲變深軫朕懷爾每屢稱兵餉匱乏請發內帑朕念內帑所發已多全無實用且兵餉分毫難省而動稱無兵有餉無兵是何緣故經撫各官不思覈兵覈餉設法討賊但告苦訴窮推罪卸担甚孤朝廷委任之意今後都着用心料理戰守事務毋致疎虞其道將等官但有推避退縮三尺具存必不輕貸發出帑金二百萬爲東西兵餉各項等用爾每還酌量緩急傳節通融不得仍前



其所用之數仍先行奏聞以後不得再行  
臣等故諭

擬

諭兵部遼左調援川湖等兵起行在途計程次第  
將抵近郊朕念各兵赴義從征跋涉勞苦時當  
寒沍倍軫朕懷特發帑金 萬兩爾部酌量道  
里遠近派定數目便差的當官同本處地方官  
唱名給發統領將目一併加賞仍諭令鼓舞約  
束作速前行到彼聽經撫官獎賞優叙稱朕體  
念優恤至意特諭

二諭俱

允發

天啓元年十月二十六日

續編屏奏草卷之一終